

Agencija za bankarstvo Federacije BiH, ul. Koševo 3, 71000 Sarajevo, koju zastupa Zlatko Barš, direktor (u nastavku: Agencija)

i

Grupa ponuđača - konzorcijum „Derby Trade“ d.o.o. Brčko - „Interglobus“ d.o.o. Čačak, koju zastupa mr. Zdravko Marinčić, dipl.ing., direktor vodećeg člana (u nastavku: Prodavatelj)

sklopili su dana **22.06.2015. godine**

## UGOVOR

### O NABAVI UREDSKOG NAMJEŠTAJA I POLICA ZA ARHIVU

#### I. PREDMET UGOVORA

##### Član 1.

Predmet ovog ugovora je nabava, isporuka i montaža uredskog namještaja i polica za arhivu (u nastavku: oprema) za potrebe opremanja poslovnih prostorija Agencije u Sarajevu, Zmaja od Bosne 47b, po osnovu provedenog otvorenog postupka nabave, prema ponudi prodavatelja broj: **349-05-15**, koja čini sastavni dio ovog ugovora.

#### II. CIJENA

##### Član 2.

Cijena opreme iz člana 1. ovog ugovora bez PDV-a iznosi: **664.853,00 KM**

(slovima: **šeststotinašezdesetčetirihiljadeosamstotinašesettri KM i 00/100**),

a ukupna cijena s uključenim PDV-om iznosi: **777.878,01 KM**

(slovima: **sedamstotinašesetdesetsedamhiljadaosamstotinašesetdesetosam KM i 01/100**).

Na ugovorenu cijenu ne mogu utjecati eventualne promjene okolnosti na bilo kojoj strani ovog ugovora, niti okolnosti koje su bez utjecaja bilo koje od ugovorenih strana.

#### III. USLOVI I NAČIN PLAĆANJA

##### Član 3.

Agencija se obvezuje da će uredsku opremu iz člana 1. ovog ugovora platiti prodavatelju u roku od 60 (šezdeset) dana od dana izvršene isporuke, montaže i primopredaje predmeta ugovora. Plaćanje će se izvršiti žiralno na račun prodavatelja, prema dobivenim instrukcijama za plaćanje, na osnovu

ispostavljenog računa od strane prodavatelja, koji sadrži opis, jedinične cijene i ukupan iznos isporučene opreme.

#### IV. ROK ISPORUKE

##### Član 4.

Prodavatelj se obvezuje isporučiti opremu iz člana 1. ovog ugovora i montirati istu u poslovnim prostorijama Agencije u roku od **10 (deset)** dana, računajući od dana efektivnosti ugovora, odnosno njegovog potpisivanja od strane obiju ugovornih strana. Prodavatelj je u obavezi dostaviti pismenu obavijest Agenciji o datumu isporuke opreme, najkasnije 3 (tri) dana prije isporuke.

#### V. GARANCIJA ZA UREDNO IZVRŠENJE UGOVORA

##### Član 5.

Prodavatelj se obavezuje da će Agenciji u roku od 7 (sedam) dana nakon potpisivanja ugovora predati bankovnu garanciju za uredno izvršenje ugovora, na iznos od 10% (deset posto) od vrijednosti ugovora, s rokom važenja od dana izdavanja pa sve dok se u cijelosti izvrši ugovor, odnosno dok prodavatelj preda predmet preciziran članom 1. ugovora u roku definiranim članom 4. ugovora, plus 60 (šezdeset) dana.

Prodavatelj se obavezuje da će Agenciji, odmah nakon isporuke, montaže i prihvatanja opreme, odnosno potpisivanja zapisnika o kvantitativnom i kvalitativnom prijemu robe, predati bankovnu garanciju na iznos od 2% (dva posto) vrijednosti ugovora, kao garanciju za garantni period, plativu na prvi poziv, bez protesta i prava prigovora, za otklanjanje eventualnih grešaka u garantnom roku, s rokom važenja od dana izdavanja, odnosno primopredaje predmeta iz člana 1. ovog ugovora i prestanka važenja garancije za uredno izvršenje ugovora, pa do isteka garantnog perioda od **2 (dvije) godine za namještaj i 5 (pet) godina za stolice**, s tim da se kao dan isteka garantnog roka uzima najduži ponuđeni garantni period za određenu stavku iz ponude prodavatelja.

Bankovne garancije moraju biti izdane u skladu s uslovima navedenim u tenderskoj dokumentaciji. Agencija će sredstva iz garancije naplatiti zbog neizvršenja, zakašnjenja ili neurednog izvršavanja ugovornih obaveza prodavatelja.

Agencija se obavezuje da će prodavatelju, na njegov pismeni zahtjev, vratiti nerealiziranu bankovnu garanciju, a najkasnije u roku od 15 (petnaest) dana od dana isteka iste.

#### VI. MJESTO ISPORUKE

##### Član 6.

Prodavatelj se obavezuje uredsku opremu iz člana 1. ovog ugovora isporučiti FCO Agencija, na slijedeću adresu:

Agencija za bankarstvo Federacije BiH, Sarajevo, Zmaja od Bosne 47b.

Troškove prijevoza do mjesta isporuke snosi prodavatelj.

## VII. TEHNIČKI PRIJEM OPREME

### Član 7.

Isporučena uredska oprema mora biti nova, s naznakom proizvođača i vlasništvo prodavatelja, te odgovarati svojstvima iz specifikacije opreme, kao sastavnog dijela tenderske dokumentacije.

Agencija, odnosno njegovi ovlašteni predstavnici, u prisustvu ovlaštenih predstavnika prodavatelja, izvršit će tehnički prijem, odnosno sačiniti zapisnik o izvršenom kvalitativnom i kvantitativnom prijemu, u cilju utvrđivanja da li isporučena i montirana oprema odgovara zahtjevima iz tehničke specifikacije i prezentiranim oglednim uzorcima u skladu sa tenderskom dokumentacijom.

Agencija će imenovati ovlašteno lice, koje će vršiti stalni nadzor nad isporukom i montažom opreme, do okončanja svih poslova predviđenih ugovorom.

### Član 8.

U slučaju da se prilikom tehničkog prijema opreme utvrdi da ista ne ispunjava postavljene zahtjeve, da ima vidljive nedostatke ili da nije u funkciji, Agencija ima pravo da odbije prijem takve robe, uz mogućnost da prodavatelj, u roku koji mu odredi Agencija, zamijeni odbijenu robu. Svi troškovi u vezi sa zamjenom opreme koja nije u skladu sa zahtjevima Agencije, odnosno tehničke specifikacije, u smislu prethodno navedenog, kao i druge troškove i štete koje bi mogle proisteći s tim u vezi, padaju na teret prodavatelja.

### Član 9.

Prodavatelj se obvezuje:

- a) isporučiti i montirati opremu u poslovnim prostorijama Agencije u ugovornom roku;
- b) Agenciji omogućiti provođenje postupka kontrole predmeta prodaje, odnosno ocjene kvalitete opreme, u skladu s uslovima navedenim u tenderskoj dokumentaciji;
- c) Agenciji omogućiti nadzor nad vršenjem isporuke i montaže opreme, te na njezin zahtjev obustaviti isporuku i montažu ukoliko se utvrdi da se izvodi nekvalitetno i mimo tehničke dokumentacije;
- d) otkloniti sve nedostatke koji mu budu predočeni od strane komisije Agencije za prijem isporučene opreme;
- e) o svom trošku, nakon isporuke i montaže opreme, ukloniti iz svih uredskih i drugih prostora u kojima će vršiti isporuku i montažu opreme sav otpadni materijal koji nastane u toku isporuke i montaže te isti odvesti na gradsku deponiju;
- f) o svom trošku otkloniti sve štete prouzrokovane isporukom i montažom, kao i nedostatke koji su uočeni prilikom prijema opreme, te da snosi sve troškove i obaveze proizašle iz ugovora;
- g) o svom trošku otkloniti sve štete koje eventualno prouzrokuje prilikom isporuke i montaže u poslovnim prostorijama Agencije, koje nisu predmet opremanja;
- h) predati Agenciji sve ateste, odgovarajuće transportne dokumente, policu osiguranja, uvjerenje o testiranju, kao i garanciju za isporučenu opremu.

## VIII. OSIGURANJE

### Član 10.

Roba koja je predmet ovog ugovora mora biti osigurana za slučaj uništenja i oštećenja, uključujući i druge rizike, s početkom od momenta kada je proizvedena, odnosno od početka dostavljanja, za vrijeme transporta, skladištenja, do momenta isporuke i montaže u poslovnim prostorijama Agencije.

## IX. UGOVORNA KAZNA I NAKNADA ŠTETE

### Član 11.

Ukoliko prodavatelj ne izvrši svoje obaveze u ugovorenom roku, dužan je za svaki dan zakašnjenja platiti ugovornu kaznu u iznosu od 0,10% vrijednosti ugovora. Ukupna vrijednost ugovorene kazne koja se plaća ne može iznositi više od 5% vrijednosti ugovora.

Prodavatelj je, također, dužan platiti Agenciji svaku štetu koja joj je prouzročena, odnosno koju je pretrpila zbog zakašnjenja s isporukom opreme.

## X. POREZI

### Član 12.

Prodavatelj je odgovoran u potpunosti za sve poreze, takse, dozvole, odobrenja i ostale zakonske obaveze koje nastanu do momenta isporuke robe Agenciji.

Inozemni prodavatelj odgovoran je u potpunosti za sve poreze, takse, dozvole, odobrenja i ostale zakonske obaveze koje se odnose na zemlju Agencije.

## XI. GARANTNI PERIOD

### Član 13.

Garantni period za isporučenu opremu je **24 mjeseca za namještaj i 60 mjeseci za stolice**, od dana kompletne isporuke i montaže.

Za skrivene nedostatke na opremi koja je predmet ugovora, Agencija zadržava pravo reklamacije, u roku istom kao za garantni period.

Agencija će pismeno obavijestiti prodavatelja o bilo kakvom zahtjevu, koji proizlazi iz ove garancije. Nakon prijema takve obavijesti, prodavatelj će izvršiti otklanjanje nedostataka o svom trošku u garantnom roku, pod uslovom da nije došlo do kvara zbog nestručnog rukovanja opremom ili više sile.

## XII. STUPANJE UGOVORA NA SNAGU

### Član 14.

Ugovor stupa na snagu nakon što ga potpišu ovlašteni prestavnici objiju ugovornih strana.

### **XIII. RASKID UGOVORA**

#### **Član 15.**

Pravo na raskid ugovora zadržavaju obje ugovorene strane, s tim što su obavezne da o svojoj namjeri pismeno obavijeste drugu ugovornu stranu i to najmanje 15 (petnaest) dana unaprijed. Osim u slučajevima kada je propisano drugačije, Agencija može 15 (petnaest) dana nakon slanja obavijesti prodavatelju, raskinuti ugovor zbog slijedećih okolnosti:

- a) ako prodavatelj ne postupa u skladu s odredbama ugovora i ne izvršava svoje ugovorne obaveze, a do neizvršenja nije došlo uslijed više sile;
- b) ako Agencija ne izvršava svoje ugovorne obaveze prema prodavatelju, naročito u pogledu obaveze plaćanja;
- c) u svim drugim slučajevima kada druga ugovorna strana krši odredbe ugovora.

### **XIV. VIŠA SILA**

#### **Član 16.**

Prodavatelj nije odgovoran za odlaganje ili neizvršenje ugovora, raskid ugovora, naknadu štete i gubitak garancije za uredno izvršenje ugovora, u slučaju da je do navedenih posljedica došlo uslijed više sile.

Ako slučaj više sile potpuno ili djelimično spriječi izvršenje obaveza po ovom ugovoru, ugovorna strana je obavezna obavijestiti drugu ugovornu stranu u roku od 3 (tri) dana od nastanka iste i posljedicama po ugovorne obaveze, na način koji je u datoj situaciji moguć.

Pod dejstvom više sile podrazumijevaju se nepredvidivi prirodni događaji (požar, poplava, rat, zemljotres i sl.), vanredne mjere (akti državnih i međunarodnih organa), koje ugovorne strane nisu mogle predvidjeti, niti izbjeći, a direktno utječu na mogućnost izvršenja ugovornih obaveza. Prodavatelj i Agencija su dužni da se pismeno dogovore o izvršenju ugovora u slučaju više sile i načinu ispunjavanja ugovornih obaveza.

### **XV. ZAVRŠNE ODREDBE**

#### **Član 17.**

Prodavatelj jamči Agenciji oslobađanje od bilo koje odgovornosti za plaćanje iznosa po svim traženjima, zahtjevima, sudskim presudama i od svih vrsta rashoda u vezi s povredama, nesretnim slučajevima u procesu izvršenja ugovornih obaveza od strane prodavatelja, uključujući i slučajeve kada je šteta nastala krivnjom Agencije.

Agencija nema nikakve obaveze niti odgovornosti ukoliko se pojave zahtjevi prema prodavatelju, nezavisno kojeg karaktera, od strane trećih lica.

#### **Član 18.**

Ukoliko se pri realizaciji ovog ugovora pojave odnosi i instituti koji nisu predviđeni istim, primjenjivati će se odgovarajuće odredbe Zakona o obligacijskim odnosima.

Član 19.

Sve eventualne sporove koji mogu nastati u provedbi ovog ugovora ugovorne strane rješavati će sporazumno, u duhu dobrih poslovnih odnosa i uzajamnog povjerenja, u direktnim pregovorima. Ukoliko se sporazumno rješenje ne postigne, nadležan je sud u Sarajevu.

Član 20.

Sve izmjene ovog ugovora mogu se vršiti isključivo i samo uz pismenu suglasnost objiju ugovornih strana.

Član 21.

Odredbe ovog ugovora izraz su volje ugovornih strana, te ga iste odriču pobijati.

Član 22.

Ugovor je sačinjen u 4 (četiri) istovjetna primjerka, po 2 (dva) za svaku ugovornu stranu.



Broj: 05-1046-9/15

Datum, 22.06.2015. godine



Broj: 85-06/15

Datum, 24.06.2015g

